

BIHOTX

TALDEAREN BIOGRAFIA LABURRA



GEMA



LARA



IXI

Bihotx taldea 2016. urtean sortu zen eta hiru musikaririk osatzen dute: Gema Ines Murillo, Ixar Jauregi Loiarate eta Lara Mitxelena Martin.

Hiru emakume hauek, txikitatik aritu dira musikan; Gema gitarrarekin, Lara akordeoiarekin eta Ixar perkusioarekin. Haien bizitzaren momentu batean, hirurek txalapartarekin egin zuten topo eta era berean, txalapartak elkartu zituen hirurak.

Ordutik hona, musika-proiektu desberdinetan aritu dira elkarlanean; Juan Mari Beltran, Sonakay, Xabi San Sebastian edota Oreka TX musikariekin, besteak beste. Ikusentzunezko hainbat lanetan ere aritu dira: *Bajo la piel de lobo* filma, *Gu*, *Laboa* dokumentala eta *Kursaal 20.urteurrena*. Era berean, Vetusta Morla eta ZOO taldeekin parte hartu dute.

Hirurak urte luzez elkarrekin lanean aritu ondoren, Bihotx proiektu musikala sortzea erabaki zuten, eta horren emaitza dugu haien ikuskizuna: *Norabide Guztiak* (2018).

Norabide Guztiak emanaldiaren ardatz nagusia txalaparta bada ere, musikari bakoitzak musika-tresna desberdinekin eta ahotsarekin laguntzen ditu haren hotsak; horrela, ikuskizun anitza, aberatsa eta dibertigarria eskainiz.

NORABIDE GUZTIAK

EMANALDIAREN SINOPSI LABURRA

EMANALDI HAU EZ DA OHIKO MUSIKA KONTZERTU BAT.

*BERTAN ISTORIO BAT KONTATZEN DA ETA MUSIKA DOINUAK
DRAMATIZAZIOZ LAGUNDUTA DOAZ.*

*EMANALDIAREN HASIERATIK AMAIERA ARTE EMATEN DEN GARAPENAK,
GARAI BATETIK BESTERA SALTO EGITERA GARAMATZA.*

*HASIERAN, TXALAPARTA DOINU ETA JOERA TRADIZIONALENEK XX.
MENDEAREN ERDIAN KOKATUKO GAITUZTE.*

*PIXKANA, EMANALDIAN ENTZUTEN DIREN DOINU ETA HITZEK
ASKATASUN HAIZE BERRIEN GARAIETARA EKARRIKO GAITUZTE;
AZKENIK XXI. MENDEKO FESTA GIROAN AMAITU ARTE.*

*EMANALDIA AMAITZERAKOAN, IKUSLEAK EMAKUME TALDE BATEN
LIBERAZIO PROZESU BATEN LEKUKO IZAN DENEKO SENTSazioA
IZANGO DU.*

